

Intervju: Wolfgang Petritsch, Visoki predstavnik u BiH: "OJACANA POZICIJA VISOKOG PREDSTAVNIKA U BIH"

Poslije dvodnevne rasprave Vijeće za implementaciju mira prihvatilo strategiju promjene međunarodne prisutnosti u Bosni- Wolfgang Petric za SENSE: "Za nekoliko godina Bosna će biti posve samostalna, predstavnici međunarodne zajednice će polako odlaziti a uprava predavana lokalnim vlastima. Nismo u Bosni da ostanemo zauvijek".

Brisel, 6.12. (SENSE) – Pozicija visokog predstavnika u Bosni i Hercegovini bit će dodatno ojacana – on će oformiti kabinet u kojem će biti predstavnici nekoliko najvećih međunarodnih organizacija, između ostalih, na primjer, i Jacques Klein. To, kao i činjenica da je Vijeće za implementaciju mira (PIC) prihvatilo prijedlog Wolfganga Petrica reorganizacije rada međunarodne zajednice u Bosni, najvažnije su vijesti sa sastanka koji se završio u poslijepodnevnom satima u Bruxellesu.

Formiranje tog međunarodnog kabineta, Petric je prvi puta predložio u maju mjesecu, ali je ideja usvojena tek sada, rekao je visoki predstavnik u razgovoru za SENSE neposredno nakon dvodnevnog sastanka iza zatvorenih vrata.

Osim kabineta, prihvaćen je i prijedlog o formiranju četiri radne grupe – ekonomske, povratka i obnove, izgradnje institucija i vladavine prava. Visoki predstavnik smatra da će to veoma poboljšati efikasnost raznih međunarodnih organizacija, ali i da će, istovremeno, time dati ubrzanje vraćanju BiH iz međunarodnih ruku njenim građanima.

“Za nekoliko godina Bosna i Hercegovina bit će posve samostalna država, predstavnici međunarodne zajednice će polako odlaziti, a uprava će biti predavana lokalnim vlastima. Mi nismo u Bosni da ostanemo zauvijek, nego da ona postane samostalna država. Nakon što je Vijeće za implementaciju mira prihvatilo moj prijedlog reorganizacije djelovanja predstavnika međunarodne zajednice na terenu, to je sada posve jasno.”, rekao je Petric agenciji SENSE nakon završenog sastanka Vijeća za implementaciju mira. Visoki predstavnik radio je na prijedlogu od marta prošle godine, otkad su Vijeće ministara i Kontakt grupa na ministarskom nivou naložili reorganizaciju prisustva međunarodne zajednice u BiH, kako bi se izbjegla stagnacija u zadnjih šest godina i nakon pet milijardi ulozenih dolara.

Na pitanje kako se njegov prijedlog reformi međunarodnih organizacija odnosi prema politickoj i društvenoj situaciji u BiH Petric je rekao: “Moj prijedlog jako će ubrzati preuzimanje kontrole, jer ćemo mi, iz međunarodne zajednice biti međusobno mnogo više koordinirani i bolje ćemo suradjivati”. Dodao je da je Vijeće prihvatilo dokument u cjelini, s time da se sada ovaj okvirni dokument produbi i detaljizira, na čemu će raditi nekoliko međunarodnih agencija. U sljedećih mjesec dana znat će se i više detalja o tome kako će izgledati i policija nakon najavljenog odlaska policije UN. “Reforma policije će se nastaviti; prepoznata je potreba da u Bosni postoji robustna policijska snaga – a tko će provoditi reforme, odlučit će se na sljedećem sastanku Vijeća”, rekao je Wolfgang Petritsch

Na sastanku PIC očigledno je bilo riječi i o alternativnim prijedlozima za reorganizaciju međunarodnog angazovanja u BiH. “Svi, osim predstavnika UNMIK, bili su protiv reorganizacije Bosne i Hercegovine po modelu kosovska tri stupa. To je odbačeno. Uvjeran sam da to ne odgovara Bosni koja je sad već u sedmoj godini implementacije mira i koja je suverena država”, rekao je Petric. On je također odbacio i

druge kritike koje je nedavno iznijela Medjunarodna krizna grupa u svom izvjesstaju o cemu je rekao je: "Ovaj prijedlog, po kojem sada idemo naprijed, veliki je napredak u jacanju bosanske drzavnosti."

Visoki predstavnik nije zelio iznijeti detalje o tome kako ce izgledati smanjenje medjunarodne prisutnosti u BiH u brojkama. Medjutim, prema dokumentu u koji je SENSE imao na uvid, predvidja se smanjenje broja medjunarodnih predstavnika za 30 odsto do kraja 2003. Visoki predstavnik je predlozzio da se reorganizacija medjunarodnih agencija, kojih sada na terenu ima stotinak, od cega 30 velikih, sprovede po geografskom principu. Prema nasim izvorima, neke medjunarodne organizacije nadale su se prijedlozi reformi biti mnogo dalekosezniji, i smatraju da je moguće da ove ne zahvate dovoljno duboko.